



Inatsisartuni ilaasortaq
Naja H. Nathanielsen

Apeqqutinut nr. 167-imiittunut akissutit

17. september 2013

Inatsisartut Suleriaasianni § 37 naapertorlugu Naalakkersuisunut makkuninnga Naalakkersuisunut apeqquteqarsimavutit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqut nr. 1.

*Naalakkersuisut nassuiaaqquneqarput uranimut akuersaanngilluinnarnerup unitsinnis-
saanut tunngaviusumik aalajangernerme inatsisitigut kingunissat suussanersut ilan-
ngullugit aamma aatsitassanut inatsimmi allanguutissaaratarsinnaasut ilannguteqqune-
qarput.*

Akissut:

Ataatsimiinnermi matumani uranimut akuersaanngilluinnarnerup atorunnaartinnissaa pillugu tunngavigisassatut aalajangiussassamut siunnersuummik Naalakkersuisut saqqummiussaqqarput. Tunngavigisassatut aalajangiussineq Inatsisartuni akuerineqas-sappat uranimik aatsitassanillu radioaktivimik qinngornertaqartunik allanik atuinissaq avammullu tunisinissaq pillugu erseqqinnerusunik immikkullu ittunik aalajangersakkanik Naalakkersuisut aalajangersaasinnaalissapput. Nalunaarutit saqqummiussornerisigut aamma pingaarutilinnik akuersissuteqarnermi piumasaqaatitalinnik atuinissamik akuer-sissutit nalunaarutiginerisigut aalajangersakkat aalajangersarneqarsinnaapput.

Akuersaanngilluinnarnermik politikkip atorunnaarsinnerani aatsitassanut inatsit pin-gaarutilinnik allannguuteqartinnagu aallaaviatigut atorneqarsinnaassaaq, aammattaarlu uranimik aatsitassanillu radioaktivimik qinngornertaqartunik allanik atuinissaq avam-mullu tunisinissaq pillugu akuersissutinik nalunaaruteqartoqarsinnaalluni. Inatsimmi ataasiakkaanik allannguuteqarnissamut tulluurtuussanera pillugu erseqqinnerusumik naliliinerup paasinarsartariaqarpaa, ingammik uranimik aatsitassanillu radioaktivimik qinngornertaqartunik allanik il.il. atuinissamut avammullu tunisinissamut tunngatillugu nunani tamalaani malittarisassiani Kalaallit Nunaanni pisinnaatitaaffeqarnermi erseqqis-sumik naammassisaqarsinnaaneq isumannaarniarlugu.

Kalaallit Nunaannissaaq inatsisaasuni aalajangersimasunik allannguutiniq allanik sulia-qarnissaq tulluurtuussanersoq aamma nalilertariaqarpoq, taamaalilluni uranimik aats-itassanillu radioaktivimik qinngornilinnik allanik atuinermut avammullu tunisinnermut tun-ngatillugu pissutsinut immikkut ittuusunut aamma taanna naleqqussarsimatinneqas-sammat.

Apeqquut nr. 2

Naalakkersuisut inatsisit tunngavigalugit uranisiornissamut qinnuteqaat itigartissinnaavaat akuersaangilluinnarnerup unitseerenerani? Tamanna pisinnaava naak Naalakkersuisut nunat tamalaat akornanni isumaqatigiissutit naapertorlugit piumasarisaausut naammassineqarsimannikkaluartut, misissuinissamut periusissat piareersimannikkaluartut aatsitassanullu inatsit sulii nalimmassarneqarsimannikkaluartoq?

Uranimik atuisinnaanermik akuersissummik nalunaarfigineqarnissaminut pisinnaatitaaffeqartumik pisinnaatitsisumik uranimik ujartuinissamik pisinnaatitaaffeqartut arlaannaalluunniit akuersissummik nalunaarfigineqarsimannigillat. Aatsitassanut inatsit naapertorlugu Naalakkersuisut aatsitassarsiornermut akuersissutinik arlalinnik nalunaaruteqarsimapput, ilanngullugit ilaatigut uranimik aatsitassanillu radioaktivinik qinngornertaqartunik allanik ujartuinissamut akuersissutit, akuersissutilli tamakku atuinissamut akuersissummik nalunaaruteqarfigineqarnissamut pisinnaatitaaffeqartumut pisinnaatitaaffimmik tunisinngillat akuutissanik radioaktiviusunik qinngornerit imarisaat pinggortitamit tunuliaqutaasumi annertussutsit qaangersimassappatigit.

Uranitalimmik aningaasarsiutigalugu atorneqarsinnaasumut atuinissamut akuersissut aamma taamaallaat aatsitassanut inatsit naapertorlugu nalunaarutigineqarsinnaavoq suliat isumannaatsumik suliarineqassatillugit, periusersartagarlu pitsaasoq akuerisaq naapertorlugu suliarineqarsinnaappata.

Uranimik atuinissamut akuersissummik nalunaaruteqartoqarnera sioqqullugu nunani tamalaani isumaqatigiissutit naapertuutsinneqarnissaannik, aamma nalunaarutit saqqummiunnerisigut piviusunngortinnissaannik, akuersissuteqarnermi piumasaqaatinik aalajangiisoqarnermik, piviusunik akuersissuteqarnermik, misissuisarnermik allatullu nakkuttillinernik iliuseqartarnermik Naalakkersuisut isumannaarsisimanissaannik tamanna isumaqarpoq.

Apeqquut nr. 3.

Naalakkersuisut qanoq isummerniarpat aatsitassarsiornissamut apeqquteqaatip aappaani akissut naaggaarneruppat?

Akissut

Apeqquut 2-mut akissut innersuutigineqarpoq.

Apeqquut nr. 4.

Naalakkersuisut uppenarsarsinnaavaat aatsitassanut naalakkersuisup nalunaaruteqarnera tassaasoq "sivikinnerpaamik ukiuni qulini" nunarput piareersaqaassasoq uranitaqartunik aatsitassarsiornernut tigussaasunik qinnuteqaatinik akuersinnginnermini?

Akissut

Aatsitassanut Naalakkersuisup uranimik imaqartunik aatsitassanik suliniutinik piviusunik akuersissuteqarnissaminut Kalaallit Nunaat piareersimanissaanut "sivikinnerpaamik ukiuni qulit" ingerlasimanissaannik nalunaaruteqarsimanersoq Naalakkersuisut uppenarsarsinnaanngilaat.

Soorlu siusinnerusukku § 37-imut akissuteqaammi nalunaarutigineqartutut paasiniaanermik suliaasap isumagineqartussap aammal nunani tamalaani pisussaaffinnut Kunngaqarfiullu Danmarkip isumannaallisaanermut illersornissamullu politikianut tamakkiisumik naapertuuttumik Kalaallit Nunaata suliaqarsinnaanissaanut aaqqiissutis-

sat inissinneqarsimasussat annertussusaat Naalakkersuisut suusupaginngilai. Taamaatorli paasiniaanermik suliamik tassannga piffissap qanoq annertutigisup atorneqarnissaa pillugu erseqqissumik oqaaseqartoqarsinnaanngilaq.

Inussiarnersumik inuulluaqqusilluta

Med venlig hilsen

Jens-Erik Kirkegaard

A handwritten signature in black ink, appearing to read 'Jens-Erik Kirkegaard', written over the printed name.